

A Casa do Escudo acolle, do 12 ao 29 de xaneiro de 2011, as exposicións *‘Misturas’* e *‘Bolboretas, avelaiñas e outros insectos do Val de Monterrei’* de Carmen Burgos.

A primeira delas, que leva o nome de *‘Misturas’ de Karma Gösbur* -o seudónimo da autora- recolle unha trintena de obras en pintura, escultura e cerámica que amosan unha retrospectiva da labor artística desta autora, na súa primeira mostra en solitario. Mentres que a segunda, *‘Bolboretas, avelaiñas e outros insectos do Val de Monterrei’*, está conformada por dous centenares de bolboretas diúrnas, avelaiñas -bolboretas nocturnas- e insectos recollidas na comarca de Monterrei. Neste caso trátase dunha exposición privada de entomoloxía da artista na que tamén se inclúen cadros de flores secas para complementar a mesma.

María del Carmen Burgos é profesora de Filosofía no IES Xesús Taboada Chivite, foi alumna na especialidade de Cerámica na Escola de Artes e Oficios de Verín e formou parte do grupo Artimaña, no que tamén se atopaban Antonio Santamaría, Xosé Rivada, Celso Gómez ou Manuela Sánchez, entre outros.

A exposición poderase visitar de luns a sábado, das 10 ás 14 horas e das 16.30 ás 20.30 horas.